

Pyetje & Përgjigje të kombinuara
Për Thirrjen e Hapur për Projekt-Propozime për Organizatat Jofitimprurëse
"Recraft the Past: Build Up the Future 2"
(CFP 10-2022)

Ky dokument shërben si regjistër i sqarimeve të dhëna palëve të interesuara në lidhje me Thirrjen e Hapur për Projekt-Propozime për Organizatat Jofitimprurëse "Recraft the Past: Build Up the Future 2" (CFP 10-2022) në përgjigje të kërkesave të tyre të marra brenda afatit të caktuar për paraqitjen e kërkesave. Pyetjet u pranuan përmes kanaleve të ndryshme të përcaktuara në Udhëzimet e kësaj Thirrje, duke përfshirë ato verbale gjatë sesioneve informuese të EU4Culture në lidhje me Thirrjen, përmes emailve me shkrim, si dhe gjatë takimeve dhe telefonatave. Përgjigjet e pyetjeve të marra janë përmbledhur në këtë dokument.

Q. A mund të jetë pushteti lokal apo një organizatë tjetër publike partner në një aplikim?

A. Institucionet e pushtetit vendor (bashki, këshilla qarqesh, prefektura, e të tjera) si edhe institucionet e dekoncentruara të qeverisjes qendrore nuk mund të jenë as aplikantë, as partnerë zbatues në këtë Thirrje. Ndërkohë, marrëveshjet paraprake të mirëkuptimit apo bashkëpunimit të aplikantit me institucione të tilla mund të konsiderohen si kontribute për rritjen e qendrueshmërisë së projektit e mund të ndikojnë pozitivisht në rezultatin e vlerësimit të projekt-propozimit.

Q. Deri sa mund të shtrihet rrezja e aksioneve të projekteve? Duhet të lidhet vetëm me objektet e përmendura (të trashëgimisë kulturore) apo edhe në gjithë bashkinë?

A. Projektet që do të financohen përmes kësaj Thirrjeje do t'i ushtrojnë aktivitetet e tyre vetëm brenda kufijve administrativë të gjashtë bashkive të përcaktuara në këtë Thirrje, pra në Tiranë, Mirditë, Durrës, Kavajë, Rrogozhinë e Krujë. Është e mundshme që aktivitetet të zbatohen në më shumë se një territor bashkie, për sa kohë që: a) ato territore janë pjesë e këtyre gjashtë bashkive, DHE b) në projekt-propozim e gjatë zbatimit, në rast financimi, do të demonstron lidhje e qartë me ato objekte të trashëgimisë kulturore ku ka ndërhyrë apo po ndërhyrë EU4Culture e me komunitetet rreth tyre.

Q. A mundet që Bashkia të jetë partner në një aplikim?

A. Bashkitë, si institucione, nuk mund të jenë as aplikantë e as partnerë zbatues në këtë thirrje. Ndërkohë, marrëveshjet paraprake të mirëkuptimit apo bashkëpunimit të aplikantit me institucione të tilla mund të konsiderohen si kontribute për rritjen e qendrueshmërisë së projektit e mund të ndikojnë pozitivisht në rezultatin e vlerësimit të projekt-propozimit.

Q. A do të mund të financohen përmes kësaj Thirrjeje trajnimet e të rinjve dhe dixhitalizimi i zejeve (si për shembull për veshjet tradicionale), mbase dhe duke i bërë pjesë në kurrikula?

A. Në këtë Thirrje është e lejueshme të paraqiten propozime, objektivi e fusha e zbatimit të të cilave duhet të kontribuojë drejtpërdrejt në arritjen e objektivit kryesor të Thirrjes përmes aktiviteteve që synojnë të arrijnë një ose të dy objektivat specifikë. Mungesa e lidhjes me ndonjë nga objektivat e deklaruar mund të skualifikojë propozimin. Për më tepër, lidhja e aktiviteteve specifike me objektivat e deklaruar të projektit dhe ato të Thirrjes është pjesë e kriterëve të vlerësimit [10. Evaluation Criteria] dhe do të vlerësohet përkatësisht me pikë.

Q. Cilat janë Organizatat Rinore të lejueshme për të aplikuar?

A: Organizatat Rinore që do të financohen përmes Kuadrit të Financimit të Dedikuar për Organizatat Rinore duhet të përmbushin kërkesat e Nenit 3 (Përkufizime) të Ligjit 75/2019 “Për Rininë”, pikat (d) dhe (dh). Për sa i përket statusit të tyre “jofitimprurës, sipas **Seksionit 9: [General Eligibility Criteria] të Udhëzuesit të kësaj Thirrjeje**, vetëm personat juridikë të regjistruar në përputhje me ligjet në fuqi në Republikën e Shqipërisë si **jofitimprurës** me status aktiv në momentin e aplikimit kanë të drejtë të aplikojnë.

Q. A përfshin tavani i lejuar i shpenzimeve të Burimeve Njerëzore prej 25% të shpenzimeve totale të projektit vetëm shpenzimet e stafit të projektit apo ato të të gjitha burimeve njerëzore?

A. Tavani i shpenzimeve të lejuara të Burimeve Njerëzore përfshin kostot e pranueshme për skuadrën e projektit që do të përfshihet në mënyrë permanente gjatë gjithë zbatimit të projektit përmes kontratave të punësimit me organizatën zbatuese. Në varësi të natyrës së projektit, organizata mund të parashikojë edhe shërbime eksperte, të cilat mund të angazhohen përmes kontratave individuale me ekspertë individual ose përmes prokurimit të shërbimeve. Pavarësisht formës së kontraktimit, përfshirja e stafit apo e ekspertëve në një propozim do të mbështetet vetëm në rast se është në përpjestim të drejtë e të arsyeshëm me numrin, intensitetin dhe vështirësinë në zbatimin e aktiviteteve të planifikuara.

Q. A do përfshihet T.V.Sh.-ja në dokumentat mbështetës të shpenzimeve?

A. Taksa mbi Vlerën e Shtuar (T.V.Sh.) nuk është një shpenzim i lejueshëm e nuk do të financohet përmes kësaj Thirrjeje sipas **Seksionit 6.1: [Ineligible Costs] të Udhëzuesit të kësaj Thirrjeje**. Në rast se një dokument mbështetës (faturë) do të përmbajë edhe vlerën e T.V.Sh.-së, atëherë ajo vlerë nuk do të njihet si e pranueshme.

Q. A mundet një organizatë jo-qeveritare të kontrakttojë një ekspert nga sektori publik?

A. Organizatat jo-qeveritare që do të perfitojnë nga grantet që do të përzgjidhen përmes kësaj thirrjeje pritët që të zbatojnë ligjet Shqiptare në fuqi lidhur me punësimin dhe prokurimin e shërbimeve si edhe manualët e tyre të Burimeve Njerëzore dhe ato të Prokurimit të Shërbimeve.